

7
IOANN. VAZ MOTTAE
LVSITANI I. V. D.
ORATIO HABITA

DIE VII. MARTII

M. D. LXXXV.

CVM INCIPERET EXPLICARE
LIB. TOPIC. M. TVLLII.

AD ILLUSTRIS. CARD. SIRLETUM
Patronum vnicum, & incomparabilem.



R O M A E,

Con Licentia de Superiori M. D. LXXXV.

Apud Iouannem Martinellum.

JOHN VAN MOTT

WELLINGTON

NEW YORK

1850

1850

JOHN VAN MOTT

WELLINGTON

NEW YORK

1850

JOHN VAN MOTT

WELLINGTON

NEW YORK

1850

JOHN VAN MOTT

WELLINGTON

NEW YORK

1850

JOHN VAN MOTT

WELLINGTON

NEW YORK

1850

JOHN VAN MOTT

WELLINGTON

NEW YORK

1850

3

IOANN. VAZ MOTTAE
LVSITANI I. V. D.
ORATIO HABITA DIE VII.
MARTII M. D. LXXXV.



NEC me panitet incæpti mei, nec exiguum operæ pretium se-
ciſſe arbitror, quod à principio huius anni eos libros M. Tul-
lij ſuſceperim ad explicandū, qui perelegātes, per difficileſ-
que, nec ſeria cuiuſquam adhuc opera illuminati, opem ſa-
nè ab ſtudijs meis non quidem depoſcebant; ſed ſine dudio
implorabant, precabanturque. Et profeſſo diuini ingenij,
diuini ſenſus eiſdem ipsis compræhenſi vix ab his, qui doctrina nomen affectan-
tes inepti, & inſulſi homines miſerorum adoleſcentum aures fatigant, & eos
docendo nihil demum ſapere docent, attingi poterant; quin ea volumina miſe-
re ſedata multo etiam magis illorum commentationibus, quam barbarorum
olim hominum Hunnorum Alanorum, Gotthorum (patiantur aures veſtra in-
ſamia hac, & operum æmula nomina) ſlammis, ferro, furore, inquinarentur.
Sed illis ſorte quadam non improba euenit, vt ad mouere eiſdem manus in ani-
mum ipſe induxerim: Vobis verò non alienum prorsus à felicitate fuit quæ in
eos dixi à me audire potuiſſe: Et qui vel non audierunt; vel quum audirent
non nimis animos aduertere, vt cætera ſuperſint, pulcherrimorum certè illis
intelligentia librorum, vberrimique ex eadem ad omne genus diſciplinarum
fructus amiſſi ſunt. Longè enim abeſt vt corrupta eorum verear, proſtigataque
iudicia, qui me mihi hac in re laudatorem eſſe iudicabunt, idque ipſum minimè
probandum arbitrabuntur: quippe qui miſerum eſſe, & calamitoſum ſemper
cenſuerim, non habere quemquam quod glorioſè de ſe poſſit, ac magnificè præ-
dicare: & iſ ſim qui ex minutis huiusmodi rebus nec laudem quæram; & ſi
quam mihi videor tribuere minimè id data opera faciam: Sed rem omnino, de
qua ago ita vt ſe habet explicare coner, & proponere audientibus. Verū quid-
quid illi ſentiant (nec enim ipſorum de rebus meis iudicium tanti à me fieri
par eſt, vt de hoc magnopere ſollicitus eſſe debeam;) quem admodum in illo
opere Marci Tullij de diuinatione explicando, multa in omni litterarum, ac di-
ſciplinarum genere breuiter illa quidem, & per capita tantum, præter omniū
tamen, qui eaſdem litteras, diſciplinasque proſequentur conſuetudinem prodidi,
& explicauit: ita in enarratione libri Topicorum eiſdem auctoris quem aggre-
diar in præſentia, & illa ipſa varietate rerum, exquisitaque indagatiōe ſen-
ſuum ipſius quotidianas præleſtiones condibo; & vni de duabus Dialecticæ par-
tibus quæ adinueniendum pertinet; quæque quum non ad differendum modo

de

4
de quasunque re proposita, sed & ad eloquentiam comparandum summam
oninino vim habeat; à paucis sanè percepta, à nemine quidem explicata est,
quantum potero lucem adhibebo. Multoque minus ea mihi in re cuiusquam
erunt reprehensiones formidanda, qui si nihil aliud multorum saltem esse obij
ciat libros istos commentarijs explicatos. Quippe qui minime huc veniam cū
minutulis illis & plebeis atturus scripteribus: Sed Ciceronem ipsum, sed Ari
stotelem, sed antiquos illos homines diuinos pene, & incomparabiles quoties
oportuerit vocaturus in iudicium: & certè illos ipsos quos obijciat commenta
rios pene puer euolucrim: magna quidem diligentia, sed fructu perexiguo. Illi
enim si à quoquam attingantur, Bone Deus, quam nihil omnino in tam multis
chartis, & siquæ erunt, quam ridicula quam inepta omnia? At mihi quidem
non in illis solum, sed & in alijs, ita sapius eucnire consuevit, vt si antiquum ali
quem auctorem mente designarem; multorum statim in eum scriptiones occur
rerent, quibus abunde ipsum explicatum crederem; sed si attentius easdem in
spiciebam, inannes prorsus reperirem, quæque darent, vt dixit ille, sine mente
sonum. Quæ ego in iadia non semel coniectus & non iniquo iam illa animo
ferre asueui; & quid sit ab illis sperandum satis didisci; & miserorum adole
scentum non possum non vicem dolere; qui quum per se ipsi iudicare de his nō
valeant, importunis huiuscemodi ineptorum hominum vocibus decepti tem
pus sine fructu consumunt: quibus solatio interim esse poterit, non futurū quin
infames hæ arrogantium, & insulorum scriptorum chartæ daturæ penas sint,
vivant modo & pharmacopola, & falsamentarij. Et merito quidem, nam se
quotidiana istorū in semitarios illos eruditionis machulos cessaret animaduër
sio, quæ quæso tandem foret calamitas vitæ huius, quæque infelicitas? obrui
mur quotidie scilicet librorum editionibus ab his publicatorum, qui quum nec
dexteram nec sinistram suam norint, maximam se tamen confecisse rem arbi
trantur, si ex indicibus auctorum quos habent, quosque vix intelligunt, minime
certe legunt inconditam farraginem sibi consarcinent, proque libro illam pu
blicent, & oberudant, eoq; sibi perinde placeant, & blandiantur, ac si tam esset
in promptu doctis, & excultis doctrina hominibus, quam indoctis, & imperitis
futum facere. Nobilissimam igitur partem Dialectices, (quandoquidem nec
differere quisquam, nec cloqui potest, quin prius inueniat) & natura ipsa iudi
cio quoque priorē non vulgari illam & prapostera, quam ceteri sequuntur ra
tione inuolutam potius quam explicatam; sed illius ipsius ordine natura, sed
& facili & certa docendi, & discendi methodo digestam, abque difficultati
bus euolutam tradam. Non committam videlicet (quod per multi & studiosi
illi quidem, & probi, minus tamen ingeniosi homines facere consuevunt) vt
in verba tantum modo magistrorum iurem; nec vel latum vnguem, quod illi
faciunt, à vulgatorum auctorum, imò & a priscorum vestigijs discedam, nec
quicquam aliud quam repetitam vobis crambem obijciam, atque eandem re
cinam cantilenam. Nec ego is certè sum, qui aut contemnā antiquos quari
cunque artium scriptores, aut temeritate & libidine quādam male dicendi im
pugnare


5.
pugnare velim; quippe quum magni semper eos fecerim, ac per eorum san-
dæ vestigia, ad quamcunque istam eruditionis laudem aspirarim. Sed ita video
comparatum, ut ipse qui multum, diuque in eorum scriptis sim versatus,
eaque penè hauscrim, & inbiberim, reperiam in his quamplurima, in quibus co-
rum sequi sententiam non sine nota ignorantia eius rei, de qua agunt mihi posse
videar. Quum pro illis interim, tamquam pro aris, & focis hi dimicent, qui ne
à limite quidem ipsos salutarunt. Sed teneo, & perspicio mentem homi-
num; pietatem causantium, qua ad id faciendum compellantur: quasi illis
verò celsurus sit, cui religionis, parentum, patriæ, maiorum amor non
verbis quidem, sed ipso sanguine consecratus, & sanctus sit; minimè ut
eam his possit comparari, qui vel abiurata, vel contempta religione, pro-
dito parentum, patriæ, maiorum iure, si nil turpius, patrios sanè cineres per-
minxere. Papæ, quæ ista est tum impudentia, tum ignorantia ut ab eius sibi
auctoris sententia non discedendum quisquam contendat, quem vel non legit
omnino, vel sanè non intellexit. Quid verò si rogemus, examinemusque parum
per illos, Rhetoricaque vel dialecticæ, aut cuiusquam alterius facultatis ratio-
nes ab illis perquiramus, quid quæso facient, quam quod auicula pleraque so-
lent, ea ipsa ut recitent, quæ ab alijs audiuerunt. Quæ vos in re si scientiam earum
artium collocatis, tunc ego sanè posse quemquam de his rebus, quas quum nec
percipiat, nec intelligat, memoriter tamen recitare potest, iudicare confitebor.
Sed quum neminem futurum videam, tam præcipitem, ac denium, tamque in
media natum barbarie, qui ita arbitretur, pergam alacriter nimirum, ac tene-
bo eam viam, quam semel sum ingressus: eo sanè maxime, quod isthæc à me om-
nia fundamenta ad eloquentiam modo iaciantur. Quam vobis quum tradere
perfectam, & absolutam coner, qui quæso aliorum possum vestigijs insistere?
Nam quum præcepta eius vel ab antiquis omnino, vel certè sint à recentiori-
bus petenda; apud hos quidem corrupta omnia, incerta, & insulsa: apud illos
quamquam rectè, & præclarè inuenta & excogitata satis multa; non pauca ta-
men modo leuia, modo prolixè superflua, & haud quaquam necessaria; plera-
que verò diuturnitate iam temporis obsoleta sunt, & antiquata; minimè ut sit
progressus vberes factururus qui non aliam inierit viam, vim & facultatem elo-
quentiæ comparandi. Quid tu verò mihi dices, si ostendero etiam si perscripta
rectè omnia, & litteris mandata essent, non id tamen satis esse posse ad quod
volumus assequendum? quid si probare velim in studijs eloquentiæ, ut in his
omnibus illarum artium quæ vel mores hominum ex parte aliqua respiciunt;
vel ad eorundem officia mutuasque inter eosdem actiones spectant, minimum
omnino illos posse qui vitam totam in solis libris contriuere, nec vel attigerunt
Rempublicam, vel illa, quæ ad pacem, bellumque faciunt tractauere. Institum-
tur in umbraculis, exercenturque athleta, sudant, cothæbuntur: Sed interim dum
in aciem non produnt, dum pulueris, & solis immunes sunt, nihil sunt. Tradun-
tur ista libris & perscribuntur facultates, sed non ex libris, sine publicis actioni-
bus addiscuntur. Adde etiam nec intelligere illa quemquam, quæ perscripta
libris

libris sunt; nec quæ ad illas pertinent libris rectè consignare potest qui insolens
 ipsarum rerum non nisi à mutis his, vel à loquacibus quibusdam, & proleta-
 rijs doctioribus illa edidiserit. Tu nimirum insuavis, & importune magistellè
 vel omnino pannosus, vel vnguentis sanè dilibutus ex fumosa spelunca libellu-
 lorum quatuor, & quatuor literularum sagax in concionem productus vel ruẽ-
 tes in libidinem, auaritiam, ambitionem ciuium animos ad continentiam, libe-
 ralitatem, moderationem reduces: vel languentem plebem, & malorum suo-
 rum negligentem, inque seruitute ipsa, ac pernicie latam sui admonebis, & ad
 arma concitabis: furentem eandem, & arma proclamantem sedabis, & com-
 pesces. Tu ad cõspectũ, multitudinem & apparatus hostium exercitum trepi-
 dantem, paucitateque, & imbecillitate consternatum sua inflammabis; & ora-
 tione tua in gladios ipsos, tormenta, necem, vulnera compelles? Tu armato ei-
 dem, furenti, tumultuanti de manu tela extorquebis? Ab ore tuo fulmina, toni-
 trua: fulgura ab oculis, & flammæ vibrabuntur, quæ & concionem, Ciuitatem-
 que permisceant, & animos audientium inflamment, incitent, incendiant. Falli-
 mini, fallimini, Auditores, si magistellorum hæc esse munera arbitramini. Mul-
 torum maiorum domestica exempla: Multa parentum pace; belloque præclare
 gesta: Multa hausta oculis in Republica; Multa etiam pertractata: multa gesta
 manu, & consilio: multa magnaque, & ad parendum dominis, & ad imperan-
 dum subditis animi constantia: multe conuersiones rerum: multi in vtramque
 partem euentus: multi labores: multa pericula: quotidiani metus: hausta mors
 sapius, & non semel plane degustata: ebibita cum sudore aqua, cum cruore vi-
 num: sanguis animosè profusus: excepta pectore vulnera aduerso: perdurantes
 adhuc, & conspicuæ cicatrices: lux oculorum non librorum tantum lætione,
 sed ferri etiam acie, sed elluione sanguinis amissa: isthæc gignunt, alunt, augẽt,
 eloquentiam. Hac Paricles institutione Graciam quatiebat: hac armabat in
 Persas Themistocles: hac & aliq̃ ætatis illius summas res gerebãt. Hac Cæsar,
 hac Brutus, hac clarissimi quique artes istas comparabant. Et ille quidem col-
 latis signis quinquagies præliatus; tot hostibus victis, cæsisque: immisso in extre-
 mos, & orbe pene diuisos Britanos Romano Marte: & Gallo sanguine, & Ger-
 mano madens Quirites suos oratione flebãt, conuellebat Senatum, populũ
 perturbabat. Philosophabatur Brutus, declamabat, historiam scribebat, sed
 non ita, quin eodem tempore oppressam seruitute patriam in libertatem affere-
 ret; nec minus in se audacẽ ferrum, quam strinxerãt in tyranni viscera, contor-
 queret. Quid igitur? Hic Roma pulsus cogit exercitus; conciliat sibi Vrbes, pro-
 uincias, Reges; continet in officio ipsos aduersarios; armat aduersus Cæsaris vin-
 dices non nisi milites ipsius Cæsaris; vincit denique; & vt cadat (quamquam ca-
 dit victor) ipsamet Respublica concidat oportet. Sed quo me rapit dicendi ar-
 dor? quo trahit illustrium penitus, & magnarum commemoratio rerum? Colligo
 me, promittam modo, daturum me operã vt hac vna ratione isthæc vobis per-
 tractentur: laboraturumque, mihi sanè gratum vt sit, vobis verdè & gloriosum
 forsan, & non iniucundum me primum in hac Vrbe Duce non iam studia qua-

dam turbida quodammodo, & torpentia, sine lumine ingenij, sine splendore rationum, sine intelligentia ipsarum rerum, quæ tractantur: sed vera, sed solida, sed non è marcescentibus chartulis mendicata, sed illuminata cognitione causarum, sed expensa momentis rationum, sed explicata methodo constanti, sed examinata iudicij pondere, sed denique humanarum & rerum, & actionum experientia comprobata, iuuentuti proba & ingenue proponi, atque exhiberi. Quod quum circa inuentionem partem dialectices præstauissimam, oratoria verò ministram, & altricem facultatis præstitero: tum vel maxime in disserendo de his exemplis, quæ de medio ciuili iure de industria Tullius deprompsit, multa eiusdem iuris abstrusa penitus principia, & recondita proferam in medium, enarraboque: ut ex sacula, quam protendam quæ, & quanta audientibus, ipsique ciuili iuri, si ab homini vobis eius non ignaro explicaretur, emersura lux esset: quamque offundantur crassæ, & immensæ ab his tenebræ, qui rerum omnium imperiti in præclarissimam facultatem tamquam prostitutam irruunt meretricem, eandem vbique contaminant, & si Bartoli, aut Baldi dignorum ipsis voluminum columnellam è memoria tamquam psitaci pronuncient, Deos se putant; perspicere facile, & intelligere possitis. Quo circa si incapti me non panituit, nec progressus vti arbitror panitebit. Ac quando futurum erat ut à magnarum rerum meditatione, abque studijs summæ gloria in hunc æstum detruderer, & ad hoc otium litterarium, quod quidem vsque ad eò non contemno, ut in flagrantissimo altiorum cogitationum ardore, & peracri, ambitiosaque fortasse contentione Ciuium actionum ad id me aptum permanere potuissè, serio triumpho compelleret: euenisse id apud vos, quos omnino magni faccio, & in hac præsertim Vrbe, cuius me splendor ut clarissimum, & optimum quemque semper còsuevit in admirationem vbique sui rapuit, maximas omnino gratias diuino numini semper agam.

At

O mihi præteritos referat si Iuppiter annos:



Vix enim non dolere possum haud magis huc integra valetudine, vegetioribusque viribus deuenisse: nec me præterit si earundem mihi pristinus maneret status, multo me exactius, multo maiori cum nominis atque existimationis mea laude, & huic muneri satisfacturum, & vobis omnibus fuisse. Nam quum in reliquis alijs disciplinis non constans, & confirmatus solum animi, sed corporis etiam vigor requiritur: tum in eloquentia vsque ad eò, ut sine eo manca planè illa, & exilis, seu ut dicam verius, omninò nulla sit. Verum quædo in antiquum robur firmitatis restitui, non assequi modo arduum, sed & sperare difficile est, utar eo, quo possum, præstaboque quod in me erit: alacritate certe, & animi còstantia imbecillitatem corporis subleuaboque: vosque interim admonebo, ut insipientes in me in Romam vestram inspiciatis. In qua posteaquam e maiestate tanta, tantoque Imperio nihil iam nisi ruinarum puluerem, ruderumque euanescentes etiam reliquias conspexeritis, stette in me oculos, & semimortuum cadauer

cadauer atque vmbra tantum hominis vno solummodo infracti animi vigore, vita speciem prætendentis: eodem conculcantis impetus fortuna: sceleratissimi morum eodem, eorundemque infamium hominum nefarios contatus reprimentis, intuemini. Atque ita si Romam, quod iaceat, quod sordeat, quod non imperet incusare non potestis; me quod iaceam, quod langueam, quod pene nullus sim, quod corpusculum tot curis, laboribus, vulneribus, exhaustum, lacerum, & absumptum vix sustineam, quod in munere isto, id quod poteram eliquando, præstare modo nequeam, haud incusetis. Erit autem fortassis (inquam me spem Pontificis optimi & sanctissimi diuina plane mens adducit) vt quemadmodum assurgere in dies Roma, & nitorem ac statum veterem reuocare beatissimi Gregorij ope, beneficioque videtur: ita eiusdem ego benignitate resurgam quandoque, & restituar. Ipse profectò nec laboribus, nec imbecillitati; nec importunitati sceleratorum hominum, quos & hucusque contempsi, & contemniam in posterum, quo vni scilicet consulatur vtilitati vestræ cedam, aut succumbam. Cuius mihi studij diligentiaque vt sit apud omnes fructus illustrior, petam à Vobis vt ipsum librum quem sum explicaturus diligenter cognoscatis, tum illos etiam quamquam nullo emolumento in mei tamen gratiam euoluatis, qui in illum commentarios edidit. Fiet enim vt quæ sunt illis tradita perlegentes, atque ea postea audientes, quæ hoc à me loco quotidianis prælectionibus adducuntur, inire, vobiscum facile studiorum vestrorum rationem possitis, consideretisque diligentius intersit ne quicquam vestra & frequentes, & assiduos conuenire. Mea enim eo sane interest, quod vos amo vehementer, quodque nihil pratermitti velim, ex quo restitui antiquus huic Urbi splendor possit. Nam gloriam ipse nec certe in hac extrema fortassis vita mea parte summopere ambio, & si ambiam satis illa quidem, & studijs mihi ipsarum iam literarum, & his omnibus officijs, quæ ad probum atque excelsæ mentis hominem spectant, parta dudum, & comprobata est.

D I X I.